



Tuttunniarnissamut Umimmanniarnissamullu piffissaliussat pisassiissutillu. Aasaanerani aamma Ukiaanerani 2024.

Tuttunniarnissamut umimmanniarnissamullu piffissaliussat pisassiissutillu – Aasaanerani aamma Ukiaanerani 2024.

Matumuuna aasaanerani ukiaaneranilu 2024-mi piffissaliussat piniarfiusussat, tuttutassiissutissat kiisalu umimmattassiissutissat aalajangerneqartut nalunaarutigineqarput. Tuttunik aamma umimmannik ukiup qanoq ilinera najoqqutaralugu piniarnikkut pitsaanerpaamik atorluuanissaq APN-miit pingartinneqarpoq. Taamaammat neqit, ammit, qiviut allallu pitsaanerpaamik atorluarnissaat pillugu tuttut sapinngisamik aasaanerani ukiaaneranilu piniarneqartarnissaat umimmaallu aasaanerani, ukiaanerani kiisalu ukuunerani piniarneqartarnissaat anguniarneqartarpooq.

Pinngortitalerifflup Qeqqata Kommuniani aqtsiveqarfinni Maniitsoq-mi aamma Sisimiut-ni 2018-imi qulimiguulimmik tuttunik aamma umimmannik kisitsineq ingerlappaa. Taamatuttaaq 2019-mi Piniarfik 3-mi (Akia-Maniitsoq) aamma Piniarfik 4-mi (Ameralik) qulimiguulimmik tuttunik kisitsinerit ingerlannikuuvai. Kisitsinerit tunngavigalugit Pinngortitalerifik 2020-mi siunnersuinermik saqqummiussaqarpoq, tassani ilaatigut tuttunniarnissamut piffissaliussap piniarfinni pineqartuni pingasuni sivitsorneqarnissaa oqariartuutigineqarpoq.

Pinngortitalerifik 2024-p aallartissimalaernerani Qeqqata Kommuniani aqtsiveqarfinni Maniitsoq-mi aamma Sisimiut-ni qulimiguulimmik tuttunik aamma umimmannik kisitsineremik ingerlataqaqqippoq. Kisitsinerup takutippaa Maniitsup aqtsiveqarfiani umimmaat angutivissat arnavissallu inersimasut amerlasuusut, kisianni norraat ataatsimut isigalugu amerlavallaanngitsut. Taamaammat kulavaat norrallit piniarneqartannginnissaat ingerlateqqiinnarneqarpoq. Maniitsup aqtsiveqarfiani umimmaat amerlassusaat 2018-imut sanilliullugu allannguiteqarpiangikkaluarpoq. Sisimiut aqtsiveqarfiani umimmaat suiaassutsimikkut utoqqaassutsimikkullu inissisimanerat pissusissamitut ippoq, tassanimi imatut sakkortutigisumik piniarneqartarsimannngimmata.

Ivittuuni umimmannik minnerpaaffiliinermik kisitsineq aprili-mi 2024-mi ingerlanneqartoq aamma Paamiunut umimmannik nuussisoqarnissaa pillugu pilersaarutit tunngavigalugit Naalakkersuisoq piniarfimmi tassani umimmattassanik aalajangiivoq.

Tuttut

1. Piniarfik 2, 3 aamma 4: Inuussutissarsiutigalugu tuttunniarneq 1. agusti-mi aallartissaq 31. decembari ilanngullugu ingerlassalluni. Sunngiffimmi tuttunniarneq 1. agusti-mi aallartissaq 31. oktobari ilanngullugu ingerlassalluni. Kulavaat norrallit taamaallaat Piniarfik 3-mi aamma Piniarfik 4-mi piniaqquaapput.
2. Piniarfik 1, 5, 6, 7, 8 aamma 11: Inuussutissarsiutigalugu tuttunniarneq 1. agusti-mi aallartissaq 15. oktobari ilanngullugu ingerlassalluni. Sunngiffimmi tuttunniarneq 1. agusti-mi aallartissaq 30. septembari ilanngullugu ingerlassalluni. Kulavaat norrallit piniaqquaanngillat.
3. Piniarfik 9 aamma 10 (Kangerluarsorujuk, Nuna Prudhoe aamma Nuna Inglefield): Inuussutissarsiutigalugu aamma sunngiffimmi tuttunniarneq 1. agusti-mi

9. juli 2024

Sagsnr. 2024-8094

Dok. Nr. 92971953

Postboks 269

3900 Nuuk

Tlf. (+299) 34 50 00

Fax (+299) 34 63 55

E-mail: apn@nanoq.gl

www.nanoq.gl

- aallartissaaq 31. decembari ilanngullugu ingerlassalluni. Kulavaat norralit piniaqquaanngillat.
4. Piniarfii tamarmik: Tuttut angutivissat oktoberimi nuliunerup nalaani tippassinnaasut tuttunniarnermi ileqqorissaarnissaq pillugu oktobari naallugu piniaqquaanngillat.

Tunngavilersuutit: Piniarfinni arlalinni tuttut angutivissat tippalernikut pisarineqartut qimaannarneqartartunik arlaliussuarnik naammattusoqartarnera pillugu piniartut ilisimasaat malillugu tuttut angutivissat tippassinnaasut oktobari naallugu nuliunerup nalaani piniaqquaannginnissaat aalajangerneqarpoq.

Ilisimatitsissut: Tuttunniarnermiit akuersissutit pisanik nalunaarummi immersornikut kommunini sullissivinnut utertinneqartartut ikippallaarujuussuarput, naak nalunaaruteqartussaataitaaneq inatsisitigut piumasaqaataagaluartoq. Taamatut inisisimasoqarnera naammaginanngilluunnarpq tamannalu pillugu tuttoqatigiit piniarfinni qanoq sakkortutigisumik piniarneqartarnerat qanolru innerat APN-imut Pinngortitalerifimmullu nalileruminaappoq. Pisanik nalunaaruteqarnissaq inatsisitigut qulaani taaneqartutuut piumasaqaataammat pisanik nalunaaruteqartanngitsunut Kinguneqartitsisinnaaneq pillugu APN-imi piffissami qanittumi nalunaarutinik sukaterinissaq sulissutigineqartoq matumuuna nalunaarutigineqarpoq.

Erseqqissaatit: Erseqqissaatigineqarpoq kommunimiit tuttunniarnissamut akuersissutit piniarfikkaartumik ataasiakkaarlugit tunniunneqartassasut, tamannalu inuussutissarsiutigalugu (akuersissummut tuttut qulit) aamma sunngiffimmi piniartunut (akuersissummut tuttut tallimat). Akuersissummik nutaamik qinnuteqaqqittooqartinnagu sapinngisamik pisarisimasanut nalunaarut utertinneqassaaq. APN-ip kommunit qanimut suleqatigalugit akuersissutinik tunniussisarneq utertitsisarnerlu malinnaaffigivaa.

Erseqqissaatigineqarpoq qamuteralaat, ATV-t kiisalu qamutit motoorinik ingerlatillit allat tuttunik malersuinermi piniarnermilu atornissaat inerteqqutaammat.

Umimmaat

5. Aqutsiveqarfik Maniitsoq: Piniarfik 1-mi, 2-mi, 3-mi aamma 4-mi inuussutissarsiutigalugu aamma sunngiffimmi umimmanniарneq 1. agusti-mi aallartissaaq 15. oktobari ilanngullugu ingerlassalluni. A) Inuussutissarsiutigalugu aamma sunngiffimmi piniartunut Qeqqata Kommunianeersunut pisassat killeqanngillat (akuersissut ataaseq umimmanni 5-raassutaasinnaassalluni). B) Inuussutissarsiutigalugu aamma sunngiffimmi piniartunut kommuniniit allaneersunut pisassat ataatsimut katillugit 300-pput. Akuersissut amerlanerpaamik pingasoraassutaasinnaassaaq. C) Tiggaat tammajuitsussanik piniartitsinermi piniagassat aamma kulavaat norralit piniaqquaanngillat.
6. Aqutsiveqarfik Sisimiut: Inuussutissarsiutigalugu aamma sunngiffimmi killilimmik umimmanniарneq 1. agusti-mi aallartissaaq 15. oktobari ilanngullugu ingerlassalluni umimmattassiissutilu 400-pput. Tiggaat tammajuitsussanik piniartitsinermi piniagassat aamma kulavaat norralit piniaqquaanngillat.
7. Umimmaqarfik Naternaq: Inuussutissarsiutigalugu aamma sunngiffimmi umimmanniарneq 1. agusti-mi aallartissaaq 15. oktobari ilanngullugu ingerlassalluni umimmattassiissutilu 120-pput. Ussuit Nunaat, Ipiutaarsuup Nunaa aamma Eqalummiut Nunaat aqutsineq eqqarsaatigalugu umimmaqarfimmut Naternamut

- ilanngunneqarnikuupput. Tiggaat tammajuitsussanik piniartitsinermi piniagassat kulavaallu norrallit piniaqqusaanngillat.
8. Aqutsiveqarfik Qaanaaq: Piniarfimmi Kap Atholl-mi inuussutissarsiutigalugu sunngiffimmilu umimmanniarnissamut umimmattassiissutit 60-iunissaat aalajangerneqarpoq. Piniarfimmi Nuna Inglefield aamma Nuna Prudhoe-mi inuussutissarsiutigalugu sunngiffimmilu umimmanniarnissamut umimmattassiissutit allannguiteqaratik 60-iunissaat aalajangerneqarpoq. Piffissaliussami 1. agusti-miit 31. decembari ilanngullugu piniarneqarsinnaapput. Tiggaat tammajuitsussanik piniartitsinermi piniagassat aamma kulavaat norrallit piniaqqusaanngillat.
 9. Aqutsiveqarfik Ivittuat: Inuussutissarsiutigalugu aamma sunngiffimmi piniarnissamut umimmattassiissutit minnerpaaffiliinermik kisitsineq tunngavigalugu 30-iunissaat aalajangerneqarpoq, tamarmik 1-2-nik ukiullit, arnavissat 18-it angutivissallu 12-it. Piffissaliussami 1. agustimiit 15. oktobari ilanngullugu piniarneqassapput.
 10. Umimmaqarfik Nanortalik: Umimmaqarfimmi qulimiguulimmik kisitsineq tunngavigalugu umimmattassiissutit 3-nissaat aalajangerneqarpoq angutiviaq ataaseq arnavissallu marluk piffissami 1. agusti-miit 15. oktobari ilanngullugu piniarneqarsinnaasut.
 11. Aqutsiveqarfik Sigguk: Inuussutissarsiutigalugu aamma sunngiffimmi umimmanniarneq 1. agusti-mi aallartissaaq 15. oktobari ilanngullugu ingerlassalluni. Umimmattassiissutit allannguiteqaratik 150-iupput. Tiggaat tammajuitsussanik piniartitsinermi piniagassat aamma kulavaat norrallit piniaqqusaanngillat.
 12. Aqutsiveqarfik Ittoqortoormiit: Inuussutissarsiutigalugu aamma sunngiffimmi umimmanniarneq 1. agusti-mi aallartissaaq 15. oktobari ilanngullugu ingerlassaaq aammattaaq 25. novembari-miit 23. decembari ilanngullugu. Umimmattassiissutit piffissaliussanut taakkununnga marlunnut allannguiteqaratik katillugit 115-iupput. Tiggaat tammajuitsussanik piniartitsinermi piniagassat aamma kulavaat norrallit piniaqqusaanngillat.
 13. Umimmaat Nuup eqqaanut pisimasut eqqissisimatitaapput.

Tunngavilersuutit: Aqutsiveqarfimmi Maniitsumi umimmanniarerup 1. agusti-mi aallartinnissaa aalajangerneqarpoq, imm. 5 takuuk. Illeqqutoqqat malillugit umimmanniarerup neqinillu panertulisarnerup APN-imuit pingaartinneqarnera tassani tunngaviuvoq. Umimmanik akornusiisarnerup pingaartumik ukiuunerani umimmanniarerup assartuutinillu motorilinnik annertuumk atuinerup nalaani pisartup allatigut millisinneqarnissaa taamatullu aamma assartuutinik motorilinnik umimmanniarermi atueriaatsip allangortinneqarnissaa qaammarsaanikkut sulissutigineqarpoq.

Umimmaat Ussuit Nunaanni, Ipiutaarsuup Nunaani aamma Egalummiut Nunaanni takuneqartartut Piniarfik Naternamut ilanngunneqarput pissutigalugu umimmaat taakku suli avannamut kimmullu ingerlaarsinnaanissaat Naternamilu umimmaqtigiinnut ilanngunnissaat APN-imuit pingaartinneqarmat, imm. 7 takuuk.

Qaanaap aqutsiveqarfiani Piniarfik Kap Atholl-mi inuussutissarsiutigalugu sunngiffimmilu umimmattassat biologit nunaminertap neriniarfissatut killilimmik nammassinnaanera pillugu siunnersuinerat aamma umimmaat amerlisimanerat piniarfiullu avataanut siaruaassimanerat pillugu piniartut ilisimasaat tunngavigalugu 60-iunissaat aalajangerneqarpoq, imm. 8 takuuk.

Erseqqissaatit: Erseqqissaatigineqarpoq qamuteralaat, ATV-t aamma qamutit motoorillit allat umimmanik malersuinermi piniarnermilu atornissaat inerteqqutaammat.

Nutaamillu ukioq mannamiiit pisat digitalikkut nalunaarutigineqartarnissaat equnniarneqarpoq. Tamanna pillugu immikkut allaatiginnitqarumaarpaq kingusinnerusukkut.

Piniarnermut allagartap 2024-mi maajip aallaqqaataa sioqqullugu akilereersimanissaat pillugu piumasaqaat inuussutissarsiutigalugu aamma sunngiffimmi piniartunut tamanut atuuppoq. Taamatut aamma sunngiffimmi piniarnermut akuersissutit inunnut ukiut kingullit qulit iluanni sivikinnerpaamik ataavartumillu ukiuni marlunni Kalaallit Nunaanni najugalittut inuit nalunaarsorsimaffiannut nalunaarneqarsimasunut taamaallaat tunniunneqarsinnaanerat pillugu piumasaqaat atuuttoq.

Inatsisartut inatsisaat nr. 34, 13. juni 2023-meersumi § 13 malillugu § 13 piniakkanik killilersukkanik inuussutissarsiutigalugu piniarnissamut aallaaniarnissamullu akuersissut akuersissuteqarnerlu, inunnut 15-inik ukioqalereersunut inuussutissarsiutigalugulu piniarnermut allagartamik pigisaqtunut qinnuteqarnerup kingorna tunniunneqarsinnaapput. § 14, imm. 1 innersuutigalugu piniakkanik killilersukkanik sunngiffimmi piniarsinnaanermut aallaaniarsinnaanermullu akuersissut, qinnuteqarnerup kingorna inunnut 15-inik ukioqalereersimasunut Kalaallit Nunaannilu aalajangersimasumik najugaqartunut, piffissarlu qinnuteqarfik sioqqullugu ukiuni kingullerni marlunni Kalaallit Nunaanni ataannartumik aalajangersimasumik najugaqareersimasunut tunniunneqarsinnaapput.

Meeraq aqqaneq-marlunnik ukioqalereersimasoq sulili 15-inik ukioqalersimanngitsoq piniarnermut aallaaniarnermullu peqataasinnaavoq piumasaqaatit tulliiniittut malillugit:


1) Meeraq aallaammik nassataqarsimappat aamma meeqqap igeriarnerani, meeqqap angajoqqaavinit nakkutiginnittumilluunniit allaganngorlugu akuersissummik peqarnikkut, meeqqap angajoqqaavisa, nakkutiginnituata imaluunniit inuup 18-inik ukioqalereersimasup meeraq 1 meterisut qanitsigalugu ilitsersussavaa.

2) Aallaasip sulloqortussusia inatsimmi atuutsinneqartoq qaqugukkulluunniit malinneqassaaq.

3) Inuk meeqqamik ilitsersuisuusoq, piniarnermut aallaaniarnermullu pineqartumut akuersissummik atuuttumik peqassaaq.

Uumasut meeqqamit pisarineqartut inummit piniarnerup nalaani meeqqamut ilitsersuisumit pisatut nalunaarsorneqassapput.

Inussiarnersumik inuullaqqusillunga



AC-Fuldmægtig Nuka Møller Lund

Aalisarnermut Piniarnermullu Naalakkersuisoqarfik

Tlf.: +299 34 53 45 aamma Mail: numl@nanoq.gl

Ilanngussaq 1: Piniarfinni ataasiakkaani piniarnissamut piffissaliussat pisassiissutille.

Ilanngussaq 2: Kalaallit Nunaata kitaani tuttunut Piniarfik 1-11.

Ilanngussaq 3: Kalaallit Nunaanni umimmaqatigiit.

Ilanngussaq 4: Maniitsup aqutsiveqarfiani umimmannut Piniarfik 1, 2, 3 aamma 4.

Ilanngussaq 5: Tuttunut Piniarfik 11.

Ilanngussaq 6: Umimmaqarfik Naternaq.

Ilanngussaq 7: Ukiuni 2020-mi, 2021-mi aamma 2022-mi tuttutanik kisitsisit.

Ilanngussaq 8: Tuttut angutivissat pisarineqartut qimanneqartarnerat.

Ilannqussaq 1: Nunap immikkortuni piniarnissamut piffissaliussat pisassiissutillu

Tuttussagaanni umimmassagaannilu akuersissuteqarnissaq piumasarineqarpoq. Takussutissani ataaniittuni pisassiissutit agguarneri piniarnissamullu piffissat aqutsiveqarfinni ataasiakkaani qanoq inissisimanersut takuneqarsinnaapput.

Pisarineqartut PINIARNEQ-mi pisaqarnermi immersugassaq atorlugu imaluunniit www.sullissivik.gl aqqutigalugu nalunaarutigineqartussaapput, immikkullu immersugassaq akuersissutip tunuanittooq kommunemut utertinneqartussaalluni imaluunniit digitalikkut assingusumik nalunaarutigineqassalluni.

Tuttuttassiissutit piniarnissamullu piffissaliussat.

Aasaanerani aamma ukiaanerani 2024

(ungalusimasuni kisitsisit aasaanerani ukiaaneranilu 2023-mi pisassiissutaapput)

Kalaallit Nunaata Kitaa A - Qaanaap aqutsiveqarfia		
Tuttoqarfik	Pisassiissutit	Piniarnissamut piffissaliussat
Nuna Inglefield (Piniarfik 10)	86 (86)	Inuuss. aamma sunng. piniarneq: 1. agusti - 31. decembari
Kangerluarsorujuk (Piniarfik 9) (tuttut nujuitsut nuutat)	Killeqanngillat	Inuuss. aamma sunng. piniarneq: 1. agusti - 31. decembari
Nuna Prudhoe (Piniarfik 10)	86 (86)	Inuuss. aamma sunng. piniarneq: 1. agusti - 31. decembari
Katillugit	172 (172)	

Avannaata Kommunia 1. Agusti - 31. Decembarip iluani piniarnissamut piffissaliussamik piffissaliussanilluunniit aalajangiisinnavaavq. Avannaata Kommuniata pisassiissutaasut aqutsiveqarfimmi inuussutissarsiolorlugu sunngiffimmi piniartunut agguassavai. Qamuteralaat ATV-llu tuttunik malersuinermi piniarnermilu atornissaat inerteqqutaavog.

Kalaallit Nunaata Kitaa A – Pituffik		
Tuttoqarfik	Pisassiissutit	Piniarnissamut piffissaliussat
Kangerluarsorujuk (Piniarfik 9) (tuttut nujuitsut nuutat)	Killeqanngillat	Sunngiffimmi piniarneq: 1. agusti - 31. decembari

Pituffimmi innuttaasut atuutumik piniarnermik allagartallit tuttut nujuitsut Kangerluarsorujummut nuunneqarnikut piniarsinnaavaat. Qamuteralaat ATV-llu tuttunik malersuinermi piniarnermilu atornissaat inerteqqutaavog.

Kalaallit Nunaata Kitaa B - Piniarfik Nuussuaq		
Aqutsiveqarfik	Pisassiissutit	Piniarnissamut piffissaliussat
Upernivik	44 (44)	Inuussutissarsiutigalugu piniarneq: 1. agusti – 15. oktoberi Sunngiffimmi piniarneq: 1. agusti - 30. septembari
Uummannaq	162 (162)	Inuussutissarsiutigalugu piniarneq: 1. agusti - 15. oktoberi Sunngiffimmi piniarneq: 1. agusti – 30. septembari
Ilulissat	180 (180)	Inuussutissarsiutigalugu piniarneq: 1. agusti - 15. oktoberi Sunngiffimmi piniarneq: 1. agusti - 30. septembari
Qeqertarsuaq	44 (44)	Inuussutissarsiutigalugu piniarneq: 1. agusti - 15. oktoberi Sunngiffimmi piniarneq: 1. agusti – 30. septembari
Qasigiannguit	44 (44)	Inuussutissarsiutigalugu piniarneq: 1. agusti - 15. oktoberi Sunngiffimmi piniarneq: 1. agusti – 30. septembari
Katillugit	474 (474)	

Avannaata Kommuniata pisassiissutaasut inuussutissarsiutigalugu sunngiffimmi piniartunut aqutsiveqarfik Upernivimmeersunut, Uummannaameersunut aamma Ilulissaneersunut agguassavai. Kommune Qeqertallup pisassiissutaasut inuussutissarsiutigalugu sunngiffimmi piniartunut aqutsiveqarfik Qeqertarsuarameersunut aamma Qasigiannguaneersunut agguassavai. Qamuteralaat ATV-llu tuttunik malersuinermi piniarnermilu atornissaat inerteqqutaavog.

Kalaallit Nunaata Kitaa B – Piniarfik 1-7 aamma 11		
Nunap immikkoortua	Pisassiissutit	Piniarnissamut piffissaliussat
Naternaq (Piniarfik 1)	Killeqanngillat	Inuussutissarsiutigalugu piniarneq: 1. agusti - 15. oktobari Sunngiffimmi piniarneq: 1. agusti – 30. septembari
Sisimiut-Kangerlussuaq (Piniarfik 2)	Killeqanngillat	Inuussutissarsiutigalugu piniarneq: 1. agusti – 31. decembari Sunngiffimmi piniarneq: 1. agusti – 31. oktobari
Akia-Maniitsoq (Piniarfik 3)	Killeqanngillat	Inuussutissarsiutigalugu piniarneq: 1. agusti - 31. decembari Sunngiffimmi piniarneq: 1. agusti – 31. oktobari
Ameralik (Piniarfik 4)	Killeqanngillat	Inuussutissarsiutigalugu piniarneq: 1. agusti - 31. decembari Sunngiffimmi piniarneq: 1. agusti – 31. oktobari
Qeqertarsuatsiaat (Piniarfik 5)	Killeqanngillat	Inuussutissarsiutigalugu piniarneq: 1. agusti – 15. oktobari Sunngiffimmi piniarneq: 1. agusti – 30. septembari
Qassit aamma Neria (Piniarfik 6 aamma 7)	Killeqanngillat	Inuussutissarsiutigalugu piniarneq: 1. agusti – 15. oktobari Sunngiffimmi piniarneq: 1. agusti - 30. septembari
Piniarfik 11	Killeqanngillat	Inuussutissarsiutigalugu piniarneq: 1. agusti – 15. oktobari Sunngiffimmi piniarneq: 1. agusti - 30. septembari
Kommunit akuersissutinik inuussutissarsiutigalugu sunngiffimilu piniartunut qinnuteqarnikkut tunniussissapput. Qamuteralaat ATV-llu tuttunik malersuinermi piniarnermilu atornissaat inerteqquaavoq.		

Umimmattassiissutit piniarnissamullu piffissaliussat

Aasaanerani aamma ukiaanerani 2024

(ungalusimasuni kisitsisit aasaanerani ukiaaneranilu 2023-mi pisassiissutaapput)

Aqutsiveqarfik Qaanaaq		
Umimmaqarfik	Pisassiissutit	Piniarnissamut piffissaliussat
Nuna Inglefield aamma Nuna Prudhoe	60 (60)	Inuuss. aamma sunngiffimmi piniarneq: 1. agusti - 31. decembari
Kangaarsuk (Kap Atholl)	60 (60)	Inuuss. aamma sunngiffimmi piniarneq: 1. agusti - 31. decembari
Katillugit	120 (120)	
Avannaata Kommunia 1. Agusti - 31. Decembari iluani piniarnissamut piffissaliussamik piffissaliusanilluunniit aalajangiisinnavaoq. Avannaata Kommuniata pisassiissutaasut aqutsiveqarfimmi inuussutissarsiutigalugu sunngiffimilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat inerteqquaavoq.		

Siggummi umimmaqarfik		
Aqutsiveqarfik	Pisassiissutit	Piniarnissamut piffissaliussat
Uummannaq	75 (75)	Inuuss. aamma sunngiffimmi piniarneq: 1. agusti - 15. oktobari
Upernavik	75 (75)	Inuuss. aamma sunngiffimmi piniarneq: 1. agusti - 15. oktobari
Katillugit	150 (150)	
Avannaata Kommuniata pisassiissutaasut aqutsiveqarfimmi inuussutissarsiutigalugu sunngiffimilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat inerteqquaavoq.		

Umimmaqarfik Naternaq		
Aqutsiveqarfik	Pisassiissutit	Piniarnissamut piffissaliussat
Aasiaat	26 (26)	Inuuss. aamma sunngiffimmi piniarneq: 1. agusti - 15. oktobari
Qasigiannguit	26 (26)	Inuuss. aamma sunngiffimmi piniarneq: 1. agusti - 15. oktobari
Kangaatsiaq	26 (26)	Inuuss. aamma sunngiffimmi piniarneq: 1. agusti - 15. oktobari
Ilulissat	21 (21)	Inuuss. aamma sunngiffimmi piniarneq: 1. agusti - 15. oktobari
Qeqertarsuaq	21 (21)	Inuuss. aamma sunngiffimmi piniarneq: 1. agusti - 15. oktobari
Katillugit	120 (120)	

Avannaata Kommuniata pisässiissutit inuussutissarsiutigalugu sunngiffimilu piniartunut aqutsiveqarfik Ilulissaneersunut agguassavai. Kommune Qeqertaliup pisässiissutit aqutsiveqarfinni sinnerini inuussutissarsiutigalugu sunngiffimilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat inerteqquaavoq.

Umimmaqarfik Sisimiut		
Aqutsiveqarfik	Pisassiissutit	Piniarnissamut piffissaliussat
Sisimiut	Ukiaq: 300 (300)	Inuuss. sunngiffimilu piniarneq: 1. agusti - 15. oktobari
Kangaatsiaq	Ukiaq: 100 (100)	Inuuss. sunngiffimilu piniarneq: 1. agusti - 15. oktobari
Katillugit	Ukiaq: 400 (400)	

Qeqqata Kommuniata aamma Kommune Qeqertaliup pisässiissutit aqutsiveqarfinni inuussutissarsiutigalugu sunngiffimilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat inerteqquaavoq.

Aqutsiveqarfik Maniitsoq		
Aqutsiveqarfik	Pisassiissutit	Piniarnissamut piffissaliussat – Piniarfik 1
Maniitsoq aamma Sisimiut	Killeqanngillat	Inuuss. sunngiffimilu piniarneq: 1. agusti – 15. oktobari
Aqutsiveqarfik	Pisassiissutit	Piniarnissamut piffissaliussat – Piniarfik 2
Maniitsoq aamma Sisimiut	Killeqanngillat	Inuuss. sunngiffimilu piniarneq: 1. agusti – 15. oktobari
Aqutsiveqarfik	Pisassiissutit	Piniarnissamut piffissaliussat – Piniarfik 3
Maniitsoq aamma Sisimiut	Killeqanngillat	Inuuss. sunngiffimilu piniarneq: 1. agusti - 15. oktobari
Aqutsiveqarfik	Pisassiissutit	Piniarnissamut piffissaliussat – Piniarfik 4
Maniitsoq aamma Sisimiut	Killeqanngillat	Inuuss. sunngiffimilu piniarneq: 1. agusti – 15. oktobari
Aqutsiveqarfik	Pisassiissutit	Piniarnissamut piffissaliussat – Piniarfik 1, 2, 3 aamma 4
Qeqqata kommuuniata avataaneersut	300	Inuuss. Sunngiffimilu piniarneq: 1. agusti – 15. oktobari


Kangerlussuup eqqaani nunaminertaq piniarfigeqqusaanngitsoq akuersissutini takuneqarsinnaavoq. Qamuteralaat ATV-llu umimmannik malersuinermi piniarnermilu atornissaat inerteqquaavoq.

Umimmaqarfik Nanortalik		
Aqutsiveqarfik	Pisassiissutit	Piniarnissamut piffissaliussat
Nanortalik	3	Inuuss. piniarneq Nanortalik: 1. agusti – 15. oktobari Sunng. piniarneq Nanortalik: 1. agusti – 15. oktobari
Katillugit	3	
Kommune Kujalliuup pisassiissutit Nanortalimmi inuussutissarsiutigalugu sunngiffimilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat <u>inerteqquaavoq</u> .		


Aqutsiveqarfik Ivittuut		
Aqutsiveqarfik	Pisassiissutit	Piniarnissamut piffissaliussat
Ivittuut	30 (50)	Inuuss. piniarneq Arsuk: 1. agusti – 15. oktobari Sunng. piniarneq Arsuk: 1. agusti – 15. oktobari
Katillugit	30 (50)	
Arsummi Kommuneqarfik Sermersuup pisassiissutit Arsummi inuussutissarsiutigalugu sunngiffimilu piniartunut agguassavai. Qamuteralaat ATV-llu umimmannik malersuinermi piniarnermilu atornissaat <u>inerteqquaavoq</u> .		

Ittoqqortoormiuni umimmaqarfik		
Umimmaqarfik	Pisassiissutit	Piniarnissamut piffissaliussat
Scoresbysundip Kangerluani, Jameson-ip amma Liverpool-ip nunaanni	115 (115)	Inuuss. sunngiffimilu piniarneq: 1. agusti - 15. oktobari Inuuss. sunngiffimilu piniarneq: 25. novembari – 23. decembari
Ittoqqortoormiini Kommuneqarfik Sermersuup pisassiissutit Ittoqqortoormiini inuussutissarsiutigalugu sunngiffimilu piniartunut agguassavai. Qamuteralaat ATV-llu pisanik assartuinermut atornissaat pillugu Kommuneqarfik Sermersuummut qinnuteqartoqassaaq. Qamuteralaat ATV-llu umimmannik malersuinermi piniarnermilu atornissaat <u>inerteqquaavoq</u> .		


Ilanngussaq 2: Kalaallit Nunaata Kitaaani tuttunik Piniarfik 1-11




Ilanngussaq 3: Kalaallit Nunaanni umimmaqatigiit




Ilanngussaq 4: Maniitsup aqutsiveqarfiani umimmannik Piniarfik 1, 2, 3 aamma 4



Ilanngussaq 5: Tuttunut Piniarfik 11.



Ilanngussaq 6: Umimmaqarfik Naternaq Ussuit Nunaat, Ipiutaarsuup Nunaa aamma Eqalummiut Nunaat ilanngullugit.



Ilanngussaq 7: Ukiuni 2020-mi, 2021-mi aamma 2022-mi tuttutanik kisitsisit.

Tuttut 2020	Agusti	Septembari	Oktobari	Novembari	Decembari
Nuuk	1.300	1.725	283	126	345
Maniitsoq	662	706	205	10	4
Sisimiut	860	1.164	232	141	105

Tuttut 2021	Agusti	Septembari	Oktobari	Novembari	Decembari
Nuuk	1.059	1.270	349	204	241
Maniitsoq	486	460	224	88	80
Sisimiut	430	606	408	166	168

Tuttut 2022	Agusti	Septembari	Oktobari	Novembari	Decembari
Nuuk	1.284	1.432			
Maniitsoq	652	527			
Sisimiut	940	1.132			

Tuttutanik kisitsisit malillugit 2020-mi piniarnissamut piffissaliussamik sivitsuiffiusumi aappassaani Piniarfik 2-mi, Piniarfik 3-mi aamma Piniarfik 4-mi ukiup naalernerani qaammatini kingullerni tuttunik pisaqartoqartalerpoq. Tuttutanik kisitsisit 2022-mi oktoberimiit, novembarimiit aamma decembarimiit PINIARNEQ 2023-mi pisaniq immersuiffissamik aatsaat nalunaarutigineqarput.

Ilanngussaq 8: Tuttut angutivissat oktobarimi pisarineqartut qimaannarneqartarnerat.



APN tuttut angutivissat oktobarimi tippassinnaasut nuliunerup nalaani pisarineqartut qimaannarneqartullu pillugit saaffiginnissutinik aralalinnik tigusaqarnikuuvog. Tamannalu akuerineqarsinnaanngilaq nalunaarummi malittarisassat unioqqutinneqarput.